

見聞續筆

見聞續筆卷四

婺源 齊學裘 于治

方蓮舫年丈庶餘偶筆摘錄

香煙結字

康熙間全椒廣文孔先生軼其名聖裔也。某年丁祭見香煙繚繞成雲中現漆雕開三字。逾時而散。人以爲精誠所致。孔公壽九十有八。前明賀相國逢聖相傳司鐸應城丁祭日。香煙結仲由來享四字。靈感正同。

貽顏堂

見聞錄卷四  
六安鄧氏藏顏魯公墨跡堂曰貽顏嘉慶乙丑余欲乞  
觀諗知早被豪奪所存者鈎本也嗣閱梁聞山先生嶠  
論書筆記鄧氏所藏實蔡明遠帖也真希世之寶

碑搨貴肥

唐碑搨無不肥者不可得矣宋搨已稱希世之珍北宋  
紙粗南宋紙細皆羅紋也字腴厚凸出紙上手摩似有  
棱者然顏魯公乞御書天下放生池碑額表有云前書  
點畫稍細恐不堪經久可知唐人鑄碑版文字無不肥  
者其明徵也

南宋殿試題名錄

南宋文信國榜殿試題名錄一本人名下兼署小字。蓋當時體例也。余見之於壽春孫春墅國榮齋中。

金鵝山墓地

德清縣金鵝山。爲後漢海昏侯沈戎墓地。葬之曰金鵝翔集。時有金鵝鳴。沈氏興。代代出公卿之謠。而沈氏遂自三國六朝唐宋迄今。人文弗替。考其譜繫。足爲千古以來第一巨室。

古鐔

宋洪文敏公年譜紹熙三年得古鐔一於長楊縣蓋虎  
鐔也。公家蓄古彝器百種。以虎鐔爲冠。又據容齋續筆  
考證古鐔于精核之至。予家亦有虎鐔高二尺餘。規制  
與洪公續筆適相合。

石筍祥兆

烏程閔氏浙中巨族。代有偉人。其始祖墓前神道兩旁。  
每產石筍一對。出土數寸許。是年准有登甲科者。

閔莊毅公絕對

莊毅童年有朝貴至其家。適上元節。封公設席。莊毅偶

坐朝貴云。上元不見月。點幾盞燈。爲乾坤生色。命莊毅屬對。莊毅甚窘。忽聞街市金鼓聲。乃朗吟曰。驚蟄未聞雷。擊數聲鼓。替天地宣威。識者卜爲名臣之器。

### 豐道生書法

豐道生字南禹。官吏部考功司。在香光前。工書。有評論書法一卷。議論高超。當時書家少所許可。曩見前湖守趙季由先生學轍藏手卷一軸。真草篆隸。無法不備。蒼秀古健。迥絕凡蹊。圖章印泥更佳。世罕見。

### 二龍戲珠地

明華亭相公徐階家世寒微。封公傭於常州。年老而歿。土人憐其長者。給衣衾。用兩缸合殮。葬諸二土坡之間。後有精堪輿者。審視其地。問係塚乎。此間地形如二龍戲珠。棺用圓製。始合。土人告之。歎其暗符道妙。

### 不傷水族德報

杭州相國徐文穆公之父。尚書文敬公。始顯貴。文敬之封公寒微。居錢塘江邊。每子午潮退。將緣岸數十里。水族親掃入江。不傷一物。自少至壯。無間。一夜潮極大。巡江武官見潮頭火光一團。大風湧入徐家。敲門以告。適

文敬公誕生遂以潮名

徐文穆聯句

文穆曾任湖北藩司。二堂有對云。飲建業水。食武昌魚。千里馳驅到處聚觀香案吏。對紫薇花。撒金蓮燭。九霄瞻仰。何年却向帝城飛。集句典麗自然。

福文襄決卜

福文襄郡王督師經陝。途中奏摺已拜。欲得卜者以決之。縣令某以駱進士師璟薦。卜得晉卦。王欣然曰。我名福康安。晉康侯大吉之兆。人知文襄將畧冠時。不知其



儒雅敏決如此。駱滁州人時在陝司書記。

### 天后顯聖

文襄督師征臺。浙閩制府家勤襄公隨行。舟至海中。忽不能動。王焚香告神。良久見遙天一線。迎面而來。乃一小舟如瓜皮然。直衝大船。風濤洶湧。逕至臺城。削平巨寇。紅旗報捷。請加天后封號。凱旋致祭。得旨允准。而大魚已先在海邊相待。閩人以魚爲有知也。

### 浪頭湧月

勤襄公嘗云。某年過臺。月既望。夜方二鼓。坐船頭。見洪

波巨浪千重萬疊。每一浪頭湧出一月環海。皆明鏡照耀。真大觀也。

### 海虎

勤襄公度大洋。見一虎海中躍出。爪按船頭。船竟不動。一老篙工從容持香。請公拜神。以香擲虎頭。虎入水不見。舟乃長行。

### 夢白虎踞座

直督桐城家懋敏公。少時奉其祖父成黑龍江。有淮安劉叟亦在戍。一日劉夢白虎踞座間。清晨懋敏以喪服

謁叟坐次適如所夢劉厚給之且以女許字焉。慤敏扶  
檝入關。行至直隸某山澤中。軸折險甚。有寺僧端坐入  
定。遙知之。百餘里徒步往勞。公後任直督。感其義。重新  
廟宇。

酒量甲於天下

長洲顧俠君太史嗣立酒量甲於天下。

酒錢二十餘萬

劉文恪公相傳。前身爲鍾離雲房公。非前門湧金樓之  
酒不飲。罷相南歸。門生史望之尙書致儼核公飲數於

樓肆據公邸第自取者五十年中不下二十餘萬錢燕  
會餽遺不計也公廣額豐頤濃眉紫翠雙目炯炯不見  
白精望之如祥雲捧日榮光出河

### 食量懸殊

謝金圃侍郎壙每日兩餐飯僅半盞達香圃總憲椿每  
日常饌之外必得豬頭肥鴨金腿油雞四種率雙分以  
爲常惟吳香亭少宰玉綸招飲必到二公皆游清華躋  
通顯而口腹之量殊懸

### 夢唐錢起來謁

金圃侍郎典學江蘇。夢唐錢起來謁。稱門生。甚異之。翌日點名。果有名錢起者。侍郎以前賢名不可襲。乃改槩字。卽湘舫三元也。

夏王建德墓

湖州毛吟樹閣學謨督學順天。考廣平府。適屆歲除。新正二日。府署演戲。侑酒。三更後回院。忽抱病甚劇。一晝夜而薨。蓋廣平府大堂暖閣下。有夏王建德墓。向不開。一時偶忘之也。梟雄之爲祟亦烈。

蝦蟆入鼻

香亭侍郎。文名甲天下。間公襁褓中。每睡熟。家人開牀帳。見小蝦蟆跳躍人公鼻中。殆猶歐陽公前身鵝鵝與平侍郎前身是僧。

山陰平寬夫侍郎。如乾隆壬辰二甲一名進士。初封公與高僧友。叩其清修何益。曰。願與我公做兒子。封公以爲戲言。卒封公夢僧來。願往公家五十七年。官二品。翌日而侍郎誕降。一生畢驗。

### 太平宰相

乾隆癸卯東武劉文清公典京兆試。茅耕亭閣學。元銘

分校得蔣礪堂相國。攸銛。卷呈薦公先闕詩。詩題仙露明珠第二韻。俊靜珠騰采。天高露洗秋。公用墨筆重圈十字。撫案曰。太平宰相也。滿堂賀得人。真不愧風鑒人倫矣。

憂謚

南昌相國彭文勤公疾革。協揆河間紀文達公往問。文勤書一敏字於文達掌。文達頷之。彭公於謚不喜敏字。紀公時爲大宗伯。故以爲屬。昔李西涯臨終憂謚。楊一清以文正請。古今人有同情也。

紀文達誕降仙人避居

紀文達未誕降時。家寓仙人厯年已久。倏辭謝將去。問之曰。兵部尚書至矣。村中有大火。毬光焰燭天。每夜羣相喧逐。恐被災也。精於目力者細審之。見嬰孩棲其中。靈警異常。一口火毬至公家。遂息。未幾公生。

奏字卜鼎甲

嘉慶丙辰會試。某尚書招飲公車。適本衙門以奏稿來。畫尚書卽指奏字卜。今日坐間有無鼎甲。一人應聲曰。三人之中有二人。時狀元趙介山觀祭。

文楷探花帥仙



舟中丞皆在坐果如其言

珊瑚頂裂

初頤園尙書

彭齡

長鬚髯望之尊嚴若河嶽。然夏月

御園侍漏忽聞涼帽頂有聲急脫視乃珊瑚縫開裂。未幾緣事罷職。

紅蜻蜓十二對

嘉慶庚申趙介山殿撰

文楷

李墨莊員外

鼎元

冊封琉

球中山王精於煉丹磁磔融凝送兩天使到京後始知從磔底敲開藥方附焉內有洞庭湖君山紅蜻蜓十二

對

待漏默誦經書

曹文正每奏事手捧黃匣。必高於頂。屢典春官。終日危坐。堂皇盡心衡校。朝房待漏。坐而假寐。默誦經書。數十年如一日云。

太常仙蝶

太常仙蝶。都人呼爲老道。見者必有仙緣。吾師紫垣先生。夏月退朝。兒孫輩削瓜以進。忽有蝶飛來。棲瓜上。飲啖。公知其異。肅然起敬。冉冉而去。明日遂拜兵部尚書。

劉阮重來

嘉慶間阮太傅撫浙督兵駐台州。適學使少宰劉公鳳  
詒按臨同遊天台樹劉阮重來之坊。

白青麒麟

白相國麟字玉亭初封公夢至古廟求子。神人引登殿。  
公見案上黃白青三麒麟欲取黃者神急收去謂此非  
汝所有以白青二者與之後生相國及皂麟亦官武職  
大員。

汪薰亭先生

休寧汪薰亭先生。乾隆丁酉優貢。受知於學使秦公。屢困秋闈。就藩庫大使。而缺難得。戊申春。在秦公邸第看馬弔牌。竟誤投供。年逾五旬矣。旋擢科甲。入翰林。官至閣學。壽近大耋。先生光風霽月。獎掖後進。余與公子忠均。爲丁卯同年。

程魚門編修

程魚門編修

晉芳

隨園畏友也。久困公車。乾隆辛卯元

旦早朝。回擲骰子。以六紅色決春闈得失。至晌午不見。最後舉手一握曰。盡在此矣。擲仍不得。乃連盆拋擲院

落家人暗中拾取之皆六紅也果雋

### 章相國名言

錢塘相國章文簡公嘗語守令爲官者勸言去弊弊乃養人之物豈可輕言釐剔人以爲名言

### 桂文敏前身是僧

少司農長白桂文敏公鞫案湖南行至武昌疾歿時曹文正與公同掌翰林院先一日文正夢司農辭行返杭州理安寺翌日而遺摺至文敏前身殆爲理安寺高僧歟

陳酒療病至孝格天

河南李太史師舒由天津守擢江南糧道。太夫人老年病癱。患候署中。掘地得古甕。乃陳酒也。適老僕病噎。試之而愈。遂供太夫人飲。及半霍然。臻上壽。李公奉母稱至孝。人以爲靈感云。

汪文端起幽拔滯

嘉慶癸酉。汪文端師典試兩浙。將出都。語門人曰。此行必起幽拔滯。及榜發。果獲耆雋。多久困棘闈者。

記楊忠武公軼事三則

微弁時被賊衝突獨騎下山賊黨逼近公無計可施乃下馬箕踞路旁匪追及但相公之面用鼻作聞嗅狀而去。

公破道口僅率家丁二百人乘所獲野黑騾長鬚結辮以身先之時賊氛擁塞道口見公至儼若神人爭先快睹路分兩開大兵接踵直抵滑城。

公任固原軍門新年駐省監司留上元觀戲某公登場演聞鈴公扮陳元禮時有竹枝詞一絕云莫笑梨園弟子行堂堂司道也登場無端演出長生殿龍虎將軍又

姓楊

記楊邁公中丞護相法四則

乾隆甲辰公登第年逾四十殿試十本進呈新進

士齊集宮門聽宣或以狀頭問公曰我方物色適

見一人極雄偉必此君也。有心者遂向禮曹手摺暗叩

之。乃茹古香尚書茶也有頃奏事官呼名果茹公第一

公用主事分兵部告歸人問之曰十年不利名場五旬

外出仕不過十年外放必至封圻

初守淮安因公謁勘朱恕齋方伯士達時爲諸生旁立



公詢知爲詠齋尙書文定公之胞弟。他日晤封公郁甫。先生賀曰。次郎爵位將來不在長君之下。

嘉慶戊寅巳卯。公由浙撫內遷壽州。孫晴軒樹南隨任。

京邸公一見。謂紹泉丈曰。賢郎一舉可必。晴軒果於道光乙未北闈獲雋。

### 惟德動天

道光丙戌。逆回蠢動。七月二十日。陝督西蜀楊忠武公接欽差大臣關防。未刻。大雷雨。長白長文襄公由伊犁總統授揚威將軍。十一月接印。大雪。雷電交作。易

曰師貞丈人吉書曰惟德動天無遠弗届信然

### 忠烈塚裂

收復四城首逆逃遁揚威收死事員弁兵丁骸骨齊瘞  
一塚名曰忠烈奏請旌表塚將成忽然開裂不可  
復合蓋貴賤難分也隨征將士環塚哭禱始合

### 海蘭察公

海公蘭察勳威顯赫文武屬官少所許可聞公會與甘  
鳳池友精武藝膂力過人心慕久之督師至滇一見傾  
心下交折節

公在南河專理度支而修防悉中河帥蘭公第錫其相  
得河標中軍某驕縱不法面折不悛公怒曰自離軍營  
勇技不用久矣曷先試吾拳再請上官參奏何如某雙  
跪乞罪自是奉公唯謹

### 斷碑硯

同年齊梅麓彥槐有磚硯一方長四寸碧色腴潤可愛  
背面數字蘇公墨妙亭詩盡以斷碑爲硯以碑陰開池  
左角鑄小字銘曰身可汗心不可滅藏千年化爲血歟  
晉道周二字後閱金石契一卷內有摹搨古硯一方長

亦四寸。背亦墨妙。亭詩正面乃王陽明先生歛識。新建  
裘氏家物。梅麓所藏。武進錢氏家物也。

周文矩雪擁藍關圖

梅麓有雪擁藍關馬不前手卷一軸。忠臣去國之懷。溢  
於楮墨。周文矩真跡也。

談星命

梅麓精天文推步。造渾天儀。嘗言談星命者。須生人時。  
將經緯度於皎日下對準方驗。若僅據某日某時推算。  
毫釐有差。休咎或爽。內外盤往往不符。識者避之。

吳玉駟侍讀

全椒吳玉駟侍讀國對幼時敏慧絕倫十行俱下一日  
封翁指大士像曰觀音試對之侍讀應聲曰流火翁曰  
不對侍讀曰音不可觀而觀火不能流而流以義對耳  
翁大奇之又一日讀論語塾師以子曰上一圈命作破  
題侍讀援筆立就破云於聖人未言之先渾然一太極  
矣塾師曰此子吐屬不凡必大貴昔李韶賦梅花孫文  
簡詠紅燭戴大賓月圓風扁馬嘶牛舞之對俱以神童  
稱侍讀何讓焉

節婦求傳

桐城姚姬傳先生解主講鍾山。婺源有某節婦。託戚人爲木商於金陵者。求先生立傳。木商忘之。無何節婦歿。又幾年而先生歸道山。節婦降神以責之。薦道場禮醮。始息。

章解元

乾隆甲午。江南首懸享禮有容色。解元爲青陽章君道。遲至嘉慶壬戌。始捷南宮。見總裁長白玉文恭公公。持手版。熟視良久曰。昔年甲午江南榜首。同君姓名。其

首藝我輩誦習久矣。章君起立曰。卽門生也。公乃愈服。

暗見題字

乾隆庚申。南闈首題。述而不作一章。主試不重末句。嘉慶庚申。全椒吳小山孝廉<sup>巒</sup>進頭場。昏夜題紙至號。暗中見一作字一彭字。俱碗口大。然燭視題。與前科同。因悟闈中衡文。必翻前見。後二比竟從老彭上發議。遂雋。

夢出天榜

嘉慶庚午。南闈徽州一老叟。夢看鄉場題。才字當首。俄頃出天榜。僅記第四名。牛雲芬是科。題才難四句。揭曉。

看全錄。牛雲芬乃倒數第四名也。

蕭進士

乾隆戊辰會試題。好人之所惡一節。定遠蕭進士。比捷  
中式。謁座主長洲尙書沈文愨公。公誦其中比兩末句。  
云。何畏乎巧言令色孔壬。安所得舟楫。鹽梅霖雨。贊不  
絕口。大興朱文正公。蕭同年也。撫皖過定遠。訪其子孫。  
厚卹之。

治化之隆也

道光癸卯北闈。南元某出馮太史。桂芬房。馮在闈中。夜



聞牕外有人讀治化之隆也。啟視寂然心異之。翊日薦某卷主司定元後看首作對比少一起句調勘墨卷。恰治化之隆也。五字曲終人不見。江上數峰青。豈偶然歟。

張孝廉

泗州張孝廉

士愷

戊子舉於鄉。首題憲問。恥子曰邦有

道穀。孝廉以此章書原憲自記立意。通場所無。遂雋。孝廉天姿敏捷。下筆成章。會試報罷。將出都門。同人屬賦長排首韻限頭字。孝廉應聲曰。別路難分手。天街想狀頭。

見聞續筆卷五

葵源 齊學恭 子治

方蓮舫年丈蔗餘偶筆摘錄

黃琴士詩

巢邑楊體之大令。欲仁重遊泮水。適令孫入學。繪圖索  
詩。全椒黃琴士茂才。典五步東坡石鼓歌韻。妥帖排冪。  
附錄於此。

君捷南宮歲乙丑。英姿卓犖追堯叟。何意金閨著作  
才。腰綰墨綬風塵走。豐城我我資保障。鏡懸虛堂碑

在口。惠澤羣高鄭渾名。清風遠紹關西後。自從解組  
還居巢。恥談驥鶩軼二九。浮槎嵐翠霽須碧。閑隨漁  
樵問花柳。有時著書擁百城。元精耿耿羅星斗。有時  
忽作方丈字。浪掀墨海風生肘。有時作詩抗元白。秀  
擢心苗去稂莠。有時畫梅兼畫松。冰肌鐵骨嚴寒友。  
俗子亦解弄柔翰。何啻獐芥並馬穀。先生嗜古更成  
癖。漢塚秦碑搜隸蚪。半生足跡半天下。公卿折節迎  
耆耆。經談白鹿義不鑿。書傳黃耳人誰喚。歸家一硯  
授孫子。珍重有若彝與卣。年少翩翩入黌序。儀贊禮

官樂奏。先生時年七十七。魯殿靈光。埒岫樓。芹宮  
重到甲子周。諸生濟濟瞻楊厚。回憶同遊泮水人。姓  
名幾欲忘誰某。飽啖紅綾已陳迹。再著襦衫亦希有。  
橋門含笑攜瑤瑜。小雅陳詩祝栲杻。精神福澤天所  
畀。那羨神仙龍作狗。丹青淋漓走顧陸。吟哦雜遝來  
曹偶。竭來書劒遊治溪。僧舍清閒歡聚首。仰視北斗  
何崇隆。氣吞天檣及天棂。昔余塵鞅羈廣陵。長吉文  
章任手取。謂李中兩年絳帳依春風。爲我湔滌胸中  
垢。忽忽已經廿四年。潦倒一瓊仍株守。披君圖畫讀

君詩此詩此畫兩不朽。他日瓊林重赴宴。四海人知松柏壽。

### 李忠定印歌

李忠定公印歌用昌黎石鼓歌韻

篆文尚書右丞親征行營使李綱印旁鐫靖康元年勅賜壽州孫飲生中翰所藏

忠定李公有遺印。飲生家醕示我屬。我歌南渡業已棄。

淮汴拈韻誰克希。陰何印方四面一寸許。字體柳脚兼虞戈。靖康元年紀勅賜。玉石光潤晦琢磨。親征行營名號壯。紅泥摹勒宜輕羅。公之聲望儼趙鼎。立朝丰采咸

我○我○奈○何○大○廷○失○其○政○權○奸○盜○竊○持○太○阿○此○卽○直○可○擬○  
鐵○券○寶○器○定○有○神○鬼○呵○花○石○腰○民○民○力○竭○撫○字○安○得○循○  
南○訛○公○登○進○士○隸○邵○武○釋○褐○曾○瞻○孔○壁○蜺○麟○鳳○在○郊○應○  
時○瑞○鈞○天○廣○樂○鼓○靈○鼉○提○舉○安○置○屢○顛○蹶○龜○山○悵○望○手○  
無○柯○作○相○僅○能○七○十○日○斜○陽○返○照○如○織○梭○駭○絕○魏○公○山○  
蜚○語○此○老○行○事○豈○委○蛇○況○復○金○牌○召○良○將○之○水○而○外○僅○  
曹○娥○回○首○中○原○半○淪○喪○傷○哉○漢○廣○江○之○沱○劫○溯○我○公○策○  
仕○初○早○在○政○和○與○宣○和○陳○東○撾○鼓○訴○公○屈○罹○辟○誰○實○司○  
其○科○歐○陽○澈○戮○倍○慘○酷○善○類○漸○滅○何○其○多○和○議○已○成○甘○

忍辱會見荆棘埋銅駝。此印無乃竟虛設。三湘八閩勞  
經過。人生精骨自有限。奚堪既切仍復磋。尤恨伯彥與  
潛善更工譏譖。與風波公竄南荒。不許赦。刑章國典真  
偏頗。宵小鬼蜮緣底事。全軀保室匪有佗。建炎當之視  
人面。用人行政誠媿。要遐想我公當此境。抑塞無語空  
摩挲。君從何處得此印。助我酒興長吟哦。好將搗本慎  
藏弄。譬如名帖珍羣鵠。積之史傳數百載。流光瞥去洵  
刹那。彼蒼夢夢信難測。獨使賢傑遭坎軻。公之精爽寄  
斯印。應懸霄漢凌山河。題詩願和石鼓韻。敢云學步翻

蹉跎用杜詩蹉跎翻學步

劉南溪

劉南溪先生司鐸嘉定。皖撫朱文正公語之曰。錢竹汀  
官詹邑之馬鄭也。及之任。常請業焉。先生脩黃文節公  
祠。培人才。辦荒政。浚水利。時汪稼門制軍志伊秉臬吳  
門。將擢民社。乃引疾歸。竹汀老人隸書楹帖爲贈云。治  
經欲繼胡安定。養士還如許正平。道光壬午夢令孫嘉  
嗣獲雋。頭題弟子入。則孝一章。檢歷科考畧。乃乾隆乙  
酉江南鄉試題也。乙酉嘉嗣果領鄉薦。乙未成進士。



天門開

先生幼時讀夜書。三更後見天上西方開一長方洞。深  
邃之至。良久若關閉然。入室以告。封翁曰。此天門開也。

天開眼

予守湖。家人夜半聞天上雷聲。仰視開一長條。兩頭尖  
中間橫濶如棗核。然或世所謂天開眼歟。

三絕

王子安滕王閣敘。范文正岳陽樓記。勝地高文。江山生  
色。我朝凌泉莊廉使煥翁潭溪閣學書敘。張文敏

書記皆刻諸屏風。信三絕也。

黃鶴樓太白堂楹帖

樓未起時。先有鶴筆從閣後。更無詩。曾大令行東題黃鶴樓太白堂楹帖也。超妙之作。足冠斯樓。阮太傅總制楚中。命去之。然早已膾炙人口矣。

仙跡

香光謂呂仙東老詩類張長史題黃鶴樓似李北海仙書。尚以名家爲師。余觀西湖金鼓洞山門飛來野鶴墨筆四大字。亦仙跡也。儼然香光筆法。神仙又奉香光爲

師矣。

堪輿

檢歛某有應京兆試者。精堪輿。先覓小寓。相正屋中間。安牀。必中元。乃前一月移居焉。旗人正屋中間。向不設坐。爲祖先神位也。某夜設榻。晝則撤之。八月初六日午。後程蘭翹太史昌期強借宿焉。竟獲南元。

錢金粟爲冥官

官星楣侍讀煥與同年錢金粟學士林同寓上斜街。金粟素稱冥官。一日問星楣君有何感。星楣不解。數日又

問星楣怪之。金粟謂近在殿上。屢見君。星楣不樂。已而果病。金粟解醫。密告其家人曰。不起矣。及卒。往唁。屬孝子迴避。自攜一大紙包。至靈前。默祝焚化畢。大哭而去。

### 余姓老人

余姓老人。寓巢縣運漕鎮。人莫測其來由。言語行止。似風顛。善醫。多靈異。人呼之爲神仙。徐山民太史。江延治封公。疾問何時痊。答曰。老者安之。太史嘉慶甲子。舉於鄉。乙丑春闈。頭場題老者安之三句也。三場甫完。而封公之訃至京。太史亦登甲科。

鐵舟和尚

鐵舟和尚。楚產也。畫筆清超拔俗。蕉園制軍慶保官吳中時。招同張船山翰林間陶讀畫評詩。傳爲韻事。

風鑑

四川金孝廉某善風鑑。名動京師。道光丙子。相余曰。科名中人行將方面矣。贊新橋太史丙章亦至。金曰。此翰林也。目勝君外臺亦速。官至方伯。子僅一點。後歷歷皆驗。

子平

內城劉瞽子平精絕見賞於汪文端師聲價十倍。

傳神

東坡謂龍眠居士作華嚴相皆以意造而與佛合合肥施墨癡工傳神能爲人懸揣作像雖無一面之雅而不爽毫髮孫陶圃詰祖屬寫四十賢人圖直似書家背臨法帖者然孰謂古今人不相及耶。

奇技

閩中有織畫乃裁紙條以組織與刺繡無異蕪湖湯天池製鐵畫山川人物鎔鐵鍊成揚州包君翦紙作書畫。

皆奇技也。宋芷灣觀察湘工書法。晚年作字。輿到時。隨手取物書之。不用筆。而古意磅礴。聞癭瓢以墨水洗兩足。踐踏白紙。爲無數毛蠚。墨水浴臀。坐壓紙絹。側身而起。便作巨桃。斯又入神出化。不可以恒情度矣。

### 精奕

合肥周天敘精於奕。昔館予家。體肥大無鬚。或以美髯戲之。由是大髯之名著淮南北。有僧慕名來訪。當局對著互執牛耳。時稱國手者。毗陵潘君一人而已。評者謂天敘僅亞之。潘就成邸。聘名噪都下。惜未與周一角伯。

仲

夢老子

桐城茂才劉孟塗開工於詩。公卿延譽。曾夢老子邀其  
適館。後亳州刺史聘脩志。始悟。偶月下獨酌。問僕人時  
刻。云夜大半。長嘯曰。可以去矣。端坐而逝。

能言前世事

錢竹汀宮詹。不取輪迴之說。蔡生甫學士之定前身寶  
爲老嫗。晉撫申文恪公能言前世事。趙虛舟太守玉能  
言前三世事。



崆峒山

崆峒山。黃帝問道處。山如束笋。孤高無輔。大佛寺頭天。  
門居山之腰。登者挽鐵絙。穿石壁。蟻旋而上。躋真武殿。  
兩楹爲李老君殿。銅像八尺。巖峻如生。其巔有玉清閣。  
隨園嘗以未至爲憾。余過平涼。攬勝有詩。

天下第一

塗山禹王廟銀杏。天下第一樹。宜聖殷比干墓。隸碣。天  
下第一書。真定大佛。天下第一佛。閩中萬安橋。天下第一  
橋。金陵報恩塔。天下第一塔。

求雨鐵牌記

湖州郡庫藏求雨鐵牌。仙跡也。乾隆間前守雷公。輪有記。予搜獲。刻入金井洞志中。並附錄於此。

古者郡國旱。公卿行雩禮。閉諸陽門。與土龍立土人。舞童二佾。七日一處禮也。丙午春。余奉簡命守

吳興。故事。歲五月二十日。太守率僚佐具牲醴。往郡北弁山之黃龍洞。致祭於龍神。答神貺也。四載以來。雨暘時若。上下安之。已酉夏。不雨者兩月。民心皇然。走告余。願請古所遺鐵牌者。以祈之時。惟設壇通籙。

日與諸從事徒步禱天寧寺至所云鐵牌者余固未  
之知也。有老僕進而啟曰。昨郡圃愛山臺大風拔木  
於址下。見一古鐵形模甚異。將所謂鐵牌者非耶。亟  
取視之。土花剝蝕。隱隱現五星靈文。果鐵牌也。隨割  
牲塗覺。遣法曹王君實往山麓懸諸洞中。不數刻天  
油然作雪。雨如注者累日。田野霑足。槁枯勃興。向之  
皇然待澤者。一朝頓解其隱憂。以此見天心之仁愛  
斯民。而神物之不終湮沒也。顧牌之所由來。不可以  
不記。按宋真宗朝。遇旱禱黃龍洞。輒應。遂錫金簡。放

爾雅簡謂之畢。說文云簡牒也。又蔡邕獨斷云策者簡也。古以竹木。唐宋以金玉。大中祥符間有玉牒文。其明徵矣。明初已無復存者。潘羽士桂源鑄鐵牌以實之。夫鐵本金屬。牌者榜也。緣有紐。故謂之牌。其義卽取諸此歟。若夫霈澤宏敷。休徵立應。則神之靈也。民之福也。余何力之有焉。爰敬謹貯藏。爲後之守此土者。備雩祭之一助云。

### 黃龍洞

黃龍洞。山水奇僻。郡人姜虬綠號大海樵人。創爲志招。

華亭李鍊師。紺幽鑿險。盡攬其勝。有七古一首。錄之。可當臥遊焉。

忽然一石如岩。忽然一石如軒楹。忽然一石如疎櫺。復有一石如竹節。亦頂一石如芝莖。如蜂巢。亦如檐冰。如壁爐竈。如瓶罍。亦如雲氣繚復縈。又如波濤勢湃。湧自高。自下不記名。千雕萬鏤。皆殊形。其實一氣呵成。成仙人秘此三千齡。山中老翁髮星星。了了掌故多分明。問之不辨。訝人驚。海樵山人搜丹經。青牛道士來華亭。奇情一發。山膽橫。開山伐石呼雷霆。

洞中小仙不敢守。舉火任我衝風行。從茲靈秘齊開。  
生自來遊客俱蒙晉。因思此外絕壁上。尙有空洞南。  
西向五五三三制。各殊通中大率皆奇狀。會須一日  
遊一洞。或引丹梯或飛控。那有癡人敢我隨。世間好  
事惟爾共。

吳興西崦梅花

吳興西崦梅花不減沈。漬觀桃也。山麓居民皆管姓。實  
夷吾之裔。其社神祀鮑叔牙。宜哉。

定海大寺珠寶觀音

普陀山隸浙江定海大寺有珠寶觀音一尊。昔年紅毛國人藉拜佛竊去。至大洋海水陡湧。蓮座舟不能進。送回。

### 神鐘菴

懷遠洛河。介地名馬殿。明季家汗青太史之先某公見大蛇亘於道。祝之曰。爾若有靈。當廟以妥之。蛇遂行至路旁盤曲焉。因建東岳廟。廟成獨少一鐘。廟距河遠。忽一年大水泛漲。河中白來一鐘。宏大古厚。又稱神鐘菴。

### 瑪瑙大士寶相

許玉年大令。乃穀有瑪瑙鼻烟壺。瑩白可愛。上半纏絲如雲。一毫不亂。平底光明。大士趺坐合掌。僅黃豆大神采宛然。

### 貓石

湖北省城東門外。長春觀大殿階前。青石內有貓。宛然如生。水澆石面。則鬚毛畢現。相傳貓聽經入神而化。殆所謂精誠貫金石歟。

### 顧夫人墓志碑

太湖北門外。牧童見羣豕於泥土中。搜得一石。遂取爲



抵門之用夜半忽聞婦人叩門曰我顧夫人也吾女苦  
節多年載於碑勿以廢石相棄願送學署旦明拭視之  
果故宋顧夫人墓誌並載其女爲進士黃忱之妻賢而  
守節者遂以碑呈余弟士彞列其名於總坊之首碑立  
節孝祠中

記西域軼事 十六則

海馬

伊犁三台海子周圍數百里四山環繞空水澄鮮島嶼  
中有海馬人常見之水清冽異常或擲草石等物立刻

湧上邊岸。殊不可解。

葫蘆天池

烏魯木齊。巴克達山。高峯插天。冰雪不化。山頂有天池。二形似葫蘆。清冷可愛。闢闢之初。某將軍欲引池水通渠。水不下注。相傳爲達摩面壁之所。仰視峯尖。如在天際。不能上矣。

巴里坤八景

巴里坤八景曰。天山松雪。蒲海鼉城。岳臺留勝。我朝岳大將軍駐兵山上。尖山曉日。鏡潭宿月。黑溝藏春。龍宮煙柳。秋稼堆

雪。惟岳臺最雄傑。前有八陣奇門。兩旁能容萬馬。黑溝去城三十里。路難行。一入山內。豁然開朗。蒼崖絕壁。別有洞天。惟高處不勝寒。風雪無常耳。鼉城海中蜃樓也。天陰則現。龍王廟獨有柳樹。他處絕無。故有煙柳之勝。

### 石人引道

鎮西府城外三十里。路旁石人一坐。雍正間。岳威信兵行迷路。深夜有兩人引道。天明視之。則兩石人也。不解何時移。其一至奇台城外。此間石人高四尺。頭大而面上畧具眼鼻。近能行動。踐踏田禾。土人建圍牆木柵以

限之。兩石人余皆見焉。

### 燉煌太守碑

漢燉煌太守碑。在鎮西府關帝廟。石質年久。光明如黑。玉相傳。搨本能避風。船上攜之吉。

### 天山松樹塘

南山口松樹塘。去巴里坤二百里。天山絕頂。松樹極多。異草奇花。流泉百道。對面山脚下。沙坡橫長數十里。獨無青草。唐營沙壓。至今常聞金鼓聲。

### 姜信本征匈奴紀功碑紀異

山脊有唐貞觀十九年姜信本征匈奴紀功碑。守將砌以石屋。不使人讀。讀之則風雪立至。余往返經行。歷驗不爽。道光戊子二月伊犁領隊大臣某東旋看碑。忽大風揚沙走石。雪片如席。某趨馬下山。雪深丈餘。巴里坤廠馬壓死無數。行路不通。文書隔絕。其異如此。據紀文徵事堂筆記爲侯君集平高昌碑筆誤也。

### 福文襄碑

福文襄郡王碑一坐。

### 關廟聯句

關廟據山之勝。聯句頗多。唯徐星伯太史松有句云。赫濯震天山。通萬里車書。何處是張營。岳壘陰靈森秘殿。飽千秋冰雪。此中有漢石唐碑。

### 哈密苦水

哈密以東至安西州。千餘里。中多苦水。夏秋之季。土人鑿地引泉。僅足供用。若遇徵調。短絀時形。丙戌秋。大兵過境。楊忠武每下車。必先探水源。源不竭。克敵之兆有徵矣。

### 漢張騫碑

伊犁西南卡倫外那林河草地羣山圍繞中有大海海  
沿有碑相傳漢張騫立松湘浦相國筠遣人摩挲字在  
有無間不可辨識昔有筆帖式某隨大員經過見一石  
矗立畧具人形遂用筆戲寫眉目鼻口有頃暴風大雨  
人馬難行大員望山禱祭有心者潛往看石則墨戲已  
被雨淋淨如拭矣奇哉

### 浩罕

浩罕一大部也有兵四萬三時務農一時講武適合古  
法強悍甲於回部

和闐

和闐人皆唐衣冠。相傳唐裔也。

濕死乾活草

伊犁有草。生石面上。紅花嬌艷可愛。家家用衣線懸於窗榻間。見水則萎。名曰濕死乾活。

札義烈公現像

札義烈公。伊犁將軍保文端公之父。乾隆間。葉爾羌殉烈。至今城門上時現公像。伊犁南門外龍王廟。相傳龍神像。確似義烈公。



鴉換班

伊犁白頸鴉十月從南路飛來。烏鴉飛去。二月烏鴉北來。白頸鴉南去。謂之換班。

夢寵君

勤菴十六叔父。丙子夏五月。夢至大字深巷。一人黑衣冠。貌甚偉。念必寵君。長揖。唯謹。祈決科名。寵君稱公爲進士。許來春會試。但不連捷。及退。寵君送至階下。云。將來用知縣。只可做一年。是秋登賢書。已卯成進士。即用知縣。分發廣東。亦未赴省。

王借堂比部  
亦有筆記

已亥夏。公夢陳

見聞續筆卷六

婺源 齊學裘 子治

方蓮舫年丈蔗餘偶筆摘錄

吳學士

全椒吳山尊學士鼎誕時封公衣言先生見僧人入室。

是夜學士生。後登己未進士。列詞垣。開春坊。受知

仁廟。嘉慶戊辰乞養歸。曰。主講梅花書院十餘年。卒於

揚。先是有人贈白鶴一隻。學士留養家園。忽一日長鳴  
沖霄而去。家人異之。未幾而凶耗至。顧君千里以獨鶴

與飛挽其額蓋紀實云。

福大宗伯

長自福大宗伯慶工詩。熱河回京。成邸叩其新製。福以途中卽事。有螭螯驢背舞蟬翼馬頭吟句爲對。成邸戲曰。古有崔鴛鴦鄭鵲鵠。君其福驢乎。聞者絕倒。

王比部

大興王楷堂比部

廷紹

高談雄辨。都人稱爲嚷王。長於

詩。倚馬可待。署中公暇。口號云。司中呼小馬。堂上坐長

麟。時協揆長公牧菴

麟

爲大司寇。或譖之一日。長公以

好對聯相戲。比部應聲曰。司官曾有句名醫。唯扁鵲。良相是中堂。長公大笑。

### 大硯

比部曾於肆中得端溪大硯。長數尺。蔡端明學士大硯盈尺。風韻異常。二語可以移贈。阮太傅有長歌一首。米家硯山不得專美於前矣。

### 袁蒲桃

桃源袁玉堂大令。畫學青藤。尤工蒲桃。人呼爲袁蒲桃。直督章佳文毅公門下士也。文毅長嗣靜止。參帥容

安屬畫自題兩絕云。春風曾傍狄公門。桃李深懷種植恩。漫把蒲桃擬芝草。一枝未敢說無根。九天卿月仰彌高。幾載雲霄夢想勞。尺幅龍鬚真有幸。西飛先得待旌旄。

鷺卵石

先大夫曾拾得小鷺卵石。子蠶豆大。頗白細。上面一人騎黑驢。驢蹄齧攢轡者作銜勒狀。

室內見牛

余兩週歲先慈宣太恭人。哺余粥。余背窗面向內坐。忽

見西北隅。兩小牛犢。一青一黃。歡躍待甚。余驚訝之。而口不能言。至今如在目前。

### 夢驗

乾隆壬子北闈。八月十六日夜。晴巖二伯父夢出號舍。放牌尙早。月色皎潔。龍門二字照耀異常。有頃放牌將行。一五品官止之曰。走角門。至大門見大車將登矣。一四品官止之曰。坐小車。乃乘以出。醒後殊悒悒。是科中副車。後官部郎以覃恩獲四品。封公謂東園凌丈。泰封神似陳遠山榜眼。萬青又謂龍子嘉同年。汝

言必擢狀元。皆不爽。與漁洋決嚴寶成。

虞惇

趙書山

晉

必登鼎甲。事實相類。風鑑洵不虛也。

神鴉

瑞庭十一叔父。以福州郡丞署蚶江別駕。度洋回省。海中水如山立。舉船惶恐。篙師跪求神佑。良久見二神鴉。大如車輪。迎面分飛。少頃化險爲平。舟行無阻。乃知所見者大魚曝翅。二鴉天后神使也。

烈女

吾鄉張烈女。父以藝名。許字於文學吳君之姪。吳氏子

歿烈女死之。先伯祖耐齋公捐田以葬。餘齋公爲之立傳。葉儒童修泰聘閔禮堂翁之女。修泰勤學死。烈女殉節時。余守湖少宰。杜公塢視學兩浙。聞而悲之。爲賦柏梁體。長古以紀其事。

### 烈婦武氏傳

吾家再從兄錦之聘妻有官氏。稱烈女焉。乾隆庚戌。兄殤。烈女聞而自經。余方四齡。心知休異之。今老矣。何不。幸而又見烈婦之事。烈婦武從姪泰之婦也。年十八來歸。翁晉三公繼姑。金孺人時已先赴粵西。需次縣令泰。



讀書應童子試。烈婦生一子一女。不數年俱殤。泰體弱善病。遂輟學。辛卯甲午翁姑相繼卒於粵。歸櫬於里。既除喪。泰攜渤潑兩幼弟僑居縣城。烈婦在中饋。泰爲渤成室。潑擇聘。家無擔石。宴如也。大父農部晴巖公繼大母孫太宜人下世數十年。未歸窀穸。獨煢煢焉。以爲大戚。丙午孟春。泰隨兩叔父率昆季附葬大父母於池河。庶會祖妣姚太孺人墓之側。歲丁未。泰疾篤。烈婦不解衣帶者累月。七月望日。以仲兄瀛之第三子鳳標爲嗣。翼日疾革垂殆。烈婦知必不濟。日將午。乃潛仰藥。其母

與弟驚覺走視。急求解救。烈婦閉目終不顧。因以鐵器  
啟其齒。強飲之。倉猝間。齒鐵兩折。烈婦義形於色。謂吾  
久矢於夫矣。今獲死所。毋誤我母。知不可奪。灑淚以去。  
烈婦更衣。遂熟睡。薄暮。泰絕而復蘇。聞之。怡然。須臾目  
瞑。既小殮。烈婦忽甦。詢知泰已歿。愀然曰。我曾割股而  
竟弗瘳。命也夫。召家人慰勞。如生平。且以心無罣礙爲  
辭。夜半氣盡。面如生。嗚呼。千古英豪。但欠一死者。史不  
勝書。烈婦視死如歸。豈不足光日月。羞地下之諸公哉。  
而吾尤難其致命於泰之未絕之前。是不忍死其夫。而

尤不忍少遼緩之以負其夫也。此又紀傳中絕無而僅有者矣。當路重其義，將聞於朝禮也。烈婦武氏妹出妹夫從九品鴻緒，歿於辛丑。妹昔爲先大母陳太恭人所鍾愛，太恭人以節孝顯，妹能夙稟祖訓，以訓其子女，非常之舉，誰曰偶然。

### 官烈女

官烈女。大中丞伯厚先生之曾孫女也。與再從兄合葬於南關外。每夜香聞數里。半載乃寂。

### 夢咲葡萄桃

新安羅德孚翁。先曾姑祖母子也。先曾祖最愛之。翁病疫醒。語人曰。適偕一卒入府第門者。曰誤矣。遂歸。途遇白鬚老人。啖葡桃十餘枚。甘香之氣。沁入心脾。豁然而愈。

### 胡錦棠爲土地

正陽錦棠胡翁。先繼曾祖妣之胞姪也。醫學傳家。鄉里稱長者。道光丙申年七十疾革。召親友沐浴衣冠。自言將爲某處土地。厥而忽甦。謂今日不利子孫。不可以行。屬家人焚冥資五千文。以犒鬼役。越翼日丑時乃逝。

夢神來住

洛河方氏前明以來耕讀爲事。某翁以古道稱。忽夢男子五人來曰。願住翁家。翌日鄉人有絕糧者。以銅菩薩五尊。乞黍二斗。翁視之。乃關聖祖師真武魁星。又小佛一尊。適符所夢之數。遂許之。供奉至今。

夢紅袍紗帽人來

壽州孫瀛槎。本夢紅袍紗帽人。長揖而來。似有所屬。及退。送至井欄。挺身而下。醒而異之。未幾家人淘井至底。歡聲上達。詢知獲古墓焉。因悟前夢。封禁有加。世人每

樂開古塚以牟利。豈知猶有鬼神歟。

### 吳興全圖詩

余仿吳興志書輿地全圖。繪一巨幅。名之曰曠觀清遠。  
以奉老親歸安學博端木鶴田國瑚題詩紀事。

吳興山水古清遠。百里具區一席展。東西對影雙洞  
庭。水精宮裏修眉青。豈識蒼龍起天目。瀉霧奔泉快  
馳逐。一派煙光一縣來。水田萬頃連天綠。七縣桑陰  
蠶子肥。條條村路聽鳴機。行春人醉沙鷗外。四面晴  
嵐翠染衣。能詩太守柳侍中。能書太守顏魯公。風流

作郡古所重。聲名流過東吳東。今來太守更不同。卧  
遊家有商山翁。寫之丹青走千里。高縣長壁娛方瞳。  
時時一笑顏色好。如此湖山真善禱。愛民但得蘇長  
公。醉客何須沈東老。靈威丈人拍手迎。笑他五嶽說  
真形。窪槽亭畔青青草。春滿江南道路平。

湖州沈瀆桃花詩

湖州太湖邊。七十二瀧港。居人背山面湖。物產饒富小。  
沈瀆桃花極盛。清明前放舟紆迴。約三十里。真仙境人  
間也。余曾招客載酒家。月川明經望城有詩。一時傳誦。

詩曰。弁山雲。太湖水。蒸出紅霞幻羅綺。風姨細剪費  
工夫。散作桃花三十里。三十里。千百家。家家繞屋是  
桃花。花中定有仙人住。仙人合在花深處。花深處。客  
徘徊。花氣濛濛霧不開。欲教覓路出花去。山雨湖煙  
不放回。沈續主人具春酒。趨出花間迎太守。太守親  
民勸力耕。居人樂業咸安阜。傳聞海上有神山。開花  
必待三千年。三千年。誰久住。不如一年春一度。去年  
我從箬水西。載酒看花醉眼迷。曾道主人能愛客。風  
光不讓武陵溪。今年春較昨年早。今年花比昨年好。



白髮從遊復對花。花應笑我容顏老。吳興太守例能  
詩。佳句先成屬和遲。汪倫謂銘甫去後誰能和百讀。唯  
須酒下之。百讀百杯已醉倒。踉蹌竟欲眠荒草。主人  
邀我登碧巖。注看瀑布飛珠簾。我醉僅頭不能上。且  
待秋來再策杖。歸卧舟中魂未歸。夢爲蝴蝶花間飛。

兩人飲酒兩石

京師前門酒樓某年有二貴客。車馬僕從似內城式。午  
後登樓。命取雙料兩大罈來。食品只索松花糟魚水果  
而已。飲畢再取兩大罈。至第四罈將罄。日旰從者請升

輿入城。乃從容償酒價下樓而去。計所飲之數。距二百斤不甚遠。古所謂飲酒至石者歟。茅桂林孝廉枝聞而異之。或疑爲酒仙云。

### 墨龍

杭城多火災。惟朱養心藥鋪從不被害。相傳初年主人精於醫。有丐者遍體生瘡。哀求診救。欸留調治。百日而愈。臨行爲主人畫墨龍禦火患以報德。擲管而去。不知所往。

### 鼈魚翻身

道光辛卯九月地動。懷遠鳳臺交界。山中裂開幾十丈。聲響如雷。余在金陵聞是夜。大江北岸水亦鼓蕩。先是懷遠一小兒在市口跳躍。有鼉魚翻身之謠。三日後遂被災。

雲龍

嘉慶辛酉。余讀書於北園。夏末秋初。倚門看月。先見黑雲往來。須臾長亘。天成龍形。頭北尾南。約數十丈。角爪分明。尾尖而長。外有白氣一道。緣邊相夾。如畫家粉筆鈎勒狀。良久乃散。

蝦蟆報讐

山西某商開油舖于固鎮橋。店房內一矮人出入。忽有  
忽無。必欲窮其所在。尋至某屋門口。不見。乃掘地。見蝦  
蟆殊肥大。以鐵鎚擊之。愈大愈堅。某怒。燒之。遂失去。或  
曰。火生土。殆土遁也。三日後。大火資財灰燼。所到之處。  
必遭回祿。奇哉。

紅鴉

朱家灣街北柵閣上。某年有兩紅鴉棲鳴。越三日夜間。  
大火延燒無算。

綠蝦蟆

當塗小丹陽鎮相傳某年有張傘避雨土地廟旁廢曰者雨止乃行村民咸詫曰爲神遠近祈禱無虛日後縣令某經其地命除之見石曰下一凹深注大蝦蟆背苗綠毛兩眼赤作拱立狀斃之怪遂絕。

赤龍

黃思菴先生琴士之祖也。乾隆甲辰九月二十日夜半忽見窗櫺盡赤。啟視空中一赤龍綿亘數十丈。頭在東南尾跨西北。鱗甲光芒。火星迸露。少頃雲布滿天。頭尾

俱沒。四鼓後赤焰亦銷。先生曰。大旱之象。乙巳奇荒丙午大疫。先生有火龍行奇荒嘆。皆紀實也。

石獅子偷肉

河南固始祝氏巨室也。每日市肉。總少半斤。不解其故。有心者疑門前石獅子常掛麻繩。遂將獅子並石座移開。見血跡存焉。

紅人踏船

劉以興嘉嗣宰貴陽。家屬赴黔。洞庭遭風。同行者前三船一沈。兩碎。大令船危在呼吸。舉船大哭。忽一紅人偉

岸異常。自空而下。腳踏船底。而船轉正。大令之子景曾爲予言之。

### 翦背雲

乾隆間。宮門待漏。各官朝珠背雲墜脚。盡行翦去。樞相密屬禁門全掩。各官類聚。少頃。見一人捧黃匣。獨行踽踽。啟視之。盡背墜也。奏交刑部。嘉慶朝。審勾到內閣。法曹齊集朝房。中書屈廷鎮。海龍大褂。雨後襟。被人割去。案終未獲。

### 矮道人

京師虎坊橋。五道廟。老道人。毛髮盡白。身極矮小。寡言笑。問其年。罕有知者。長齋喜飲酒。相傳實吳逆間諜。吳誅。遂以道服隱於市。與縉紳往來。或招之飲。伺其醉。暢談滄桑。冀探其蘊。默無一言。但含淚而已。後竟以壽終。

### 假穩婆

京師有假穩婆者。初其母以收生爲業。生兒溺愛。自小蓄髮纏足。隨身攜帶。不爲人所疑。及長。隨皮匠僞託夫妻。隱作龍陽矣。不數年。匠死。冒稱寡婦。往來京城內外。有年。忽被人識破。送部伏法。時李鳳岡比部威主稿禁



其亂言遂定讞。

### 江獸

湖北漢陽府東門外江中有獸。似獼猴。常上岸曝日。人多見者。

### 八公山

八公山。踞壽春之北。近數十年。牧童常拾獲零星赤金。重錢許。方整如切。或疑漢淮南王鍊丹遺蹟。山麓多古磚。紀年號名姓字皆篆體。漢魏舊物也。質粗不可爲硯。鳳臺尹李申者大令。兆洛考據極博。道光乙巳予登八公山有兩絕云詠

歎山中不可留。肯依叢桂向深幽。世人漫認神仙蹟。好事都從瓦礫求。一局殘棋竟却秦。至今風鶴絕淮濱。天將保衛江山險。不許長留捫蝨人。

### 怪禽

壽春北山濱河居人。捕魚爲業。一日大霧來。二禽雌雄各一。狀類鵲。鳥身人首。如禿髮然。每夕食魚。殆盡。漁人以大罟羅得其一。高五尺。翎長數尺。或以貓試之。立啖而盡。竟無識之者。

### 蜻蜓異種

黃琴士避暑家園。新雨後。蕉綠倚窗。見粉牆有物。取視

之頭翼翠碧。爪深黑。蜻蜓也。下半則兩蝶翅彩衣滑膩。約寸許。作拍拍狀。置秋葵葉上。翌早視之。不見。

### 蜜蜂

黔省萬山山民養蜜蜂爲生。能識其性情製造之法。蜂取蟾酥。先從口外飛擾。俟其張口。鑽入取酥。然後在項下軟肉刺破。飛出其取牛黃也。亦從牛口入從鼻孔出。蜜將釀熟。別有一種蜂。大於蜜蜂者。來在蜜上用骹足踐蹋。然後蜜成。其蜂與蜜蜂王交壻而後去。

### 蝎虎化蛇

何間花同年裕曾見路旁無數蝎虎。銜尾相接。直如繩。約三尺長。良久似有人拈起。兩頭作旋轉狀。倏變蛇一條。

### 蟋蟀化異物

蟋蟀化生之物。未聞蟋蟀又化爲異物者。家人養蟋蟀。清晨上食。見脫一空殼。疑爲三尾所嚙。旋見水池內蟠結一團。蠕蠕欲動。引而伸之。約長一尺。白細如粉。絲然兩頭尖。離水則乾枯矣。奇哉。

### 於潛白木

於潛白木。野生者良。近多種生山之背。屬武康。屈冬牧人向草根之無雪者掘之。皆野朮。眞仙品也。

餘杭山竹

餘杭山產竹。一供箭桿。一供筆管。

日本國紙

日本國紙。如中華桂花葉。濃綠色。堅滑。書字極光潤。

雲書

俄羅斯書字體如雲。層層橫讀。古之雲書也。